

Miembro di Directiva, Theo de Kool: Hospital ta cla p'e era nobo



ORANJESTAD – Recientemente SOGA a entrega e yabi di e “New Bed Tower” na Minister Schwengle. Sr. de Kool a bisa cu e ta sumamente contento cu e edificio mas importante di e proyecto grandi aki ta cla, Mirando con e proyecto aki a cana y cu tabata tin hopi reto cu esaki.

Hospital ta spera di muy pronto por ricibi e yabi di e porta pa asina por cuminsa cu e trabounan. Dentro di algun siman e personal medico di hospital lo bay den e “New Bed Tower” pa asina cuminsa siña conoce e edificio full y siña traha cu

e aparatonan nobo. Casi tur aparato den e edificio ta nobo y ora di situacion di emergencia, nan lo mester sa di bi-ahia unda tur cos ta. Tur e cosnan aki nan lo bay train y test diferente situacion, pa asina dentro den algun siman nan por atende e prome pashentnan den un edificio nobo y cu un top servicio manera ta custumber.

E parti grandi di e proyecto aki tabata e prome fase cu tabata e edificionan nobo cu ta e Medical Office Building y awo ta bay cuminsa cu e di dos fase cual ta e renobacion completo di e edificio actual di hospital. Haciendo e renobacion aki, e edificio lo

ta uno completamente nobo tanto paden como pafo. E no tabata facil pasobra nan a experiencia varios contra-tiempo pero como un team

a traha hunto pa yega na e meta final. Tur a participa y duna di nan mes pa esaki por a bira un realidad. Hospital kier a gradici SOGA cu

a percura pa e financiamiento traha y door di nan esaki a bira un realidad. Gobierno a pone nan confiansa den hospital pa e proyecto aki y pa cu esaki mester gradici nan. “Mi kier a gradici Minister Schwengle te aunke cu e secuencia aki lo ta diferente pa loke ta e proyecto aki mirando cu e lo mester ta Sport pa por cumpli cu un proyecto di e magnitud aki, sigui pa e cuidio di grandinan pa e motivo cu un proyecto di e magnitud aki por duna bo cabey blanco y na final ta yega na Salubridad cu loke nos di Hospital kier bay brinda y manera semper teniendo e pashent central”, asina Drs. de Kool a menciona.

